

Zeitschrift: Igl Ischi : organ della Romania (Societat de Students Romontschs)

Herausgeber: Romania (Societat de Students Romontschs)

Band: 71 (1986)

Heft: 26

Artikel: Martin de Calbazar ; ina perunalitad dil 16avel tschentaner

Autor: Blumenthal, Duri

DOI: <https://doi.org/10.5169/seals-881678>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 30.07.2025

ETH-Bibliothek Zürich, E-Periodica, <https://www.e-periodica.ch>

Martin de Cabalzar

Ina personalitat dil 16avel tschentaner

da Duri Blumenthal

Il temps

Il 16avel tschentaner ei staus per las Treis ligias in temps fetg burasclus. Quei surtut entras la reformaziun e la cunterreformaziun, denton era per via dallas partidas politicas e confessiunalas. La raschun per quels disturbis entras las differentas partidas ston ins buca veser mo egl intern, mobein surtut egl extern.

Egl interiur fuvan las Treis ligias en ina fasa da consolidaziun. Alla Tgalaveina era il giuven stadi secumprovaus ed ussa empruava el cun success d'engrondir siu territori. Inagada acquistan las Ligias il segn radi da Maiavilla (1509) ed igl onn 1512 sepatruneschan ils Grischuns dalla Valtlina, da Bormio sco era da Sorico, Domaso e Gravedona.¹ Quella conquista ei vegnida sancziunada igl onn 1516 ella pasch cun la Frontscha. Las midadas sil camp europeic han era giu influenza sin quella conquista. Aschia han ils Grischuns stuiu defender duas gadas cun lur armas quei territori encunter il ducadi da Milaun. Pér igl onn 1532 renconuscha il duca da Milaun, Francesco Sforza, il domini grischun sur dalla Valtlina, Bormio e Clavenna.²

La politica egl intern dallas Treis ligias ei era caracterisada entras il svilup sin camp religius. Gia cuort suenter l'entschatta dalla reformaziun a Turitg entras Zwingli sederasan quellas ideas sin il territori grischun. Grond success ha la reformaziun surtut ellas Diesch dertgiras ed ella Ligia grischa. Ella Ligia dalla casa da Diu anfla la reformaziun all'entschatta mo pign resun. L'introducziun dalla reformaziun ei ida dalla basa anora, aschia ch'igl entir process ei aunc buca staus terminaus dil tut igl onn 1600.³ Quei fatg stat en stretg connex cun la suveranitad dallas vischnauncas. Schegie che quei modus ha menau tier in stadi paritetis sin camp confessiunal⁴, vul quei buca dir che confruntaziuns denter las

¹ Pieth. Bündnergeschichte. pag. 107.

² Pieth. Bündnergeschichte. pag. 131.

³ Bundi. Gabriel. pag. 12.

⁴ Pieth. Bündnergeschichte. pag. 130. Decidiu dalla dieta igl onn 1526 a Tavau

confessiuns seigien vegnidas evitadas. Motivs confessiunals han adina puspei giu ina gronda influenza sin la politica dallas Treis ligias.

L'emprema mesadad dil 16avel tschentaner ei caracterisada entras la rivalitat denter la Frontscha ed ils da Habsburg pervia dalla predominationa ell'Europa. Quei cumbat ha era cumpigliau il territori dallas Treis ligias. Entras sia situaziun geografica posseda nies stadi impurtonza europea. Allas pussonzas europeas va ei en emprema lingia per ils pass grischuns. Quels ligian il nord cul sid, igl imperi da Carli V cun l'Italia, e la pussonza sur dall'Italia ei la clav per la preponderonza en l'Europa. Sche nus discurrin dall'Italia manegein nus en emprema lingia Milaun. Il ducadi da Milaun valeva da siu temps per center dall'Italia. Quella posiziun centrala engrazia Milaun buca mo a sia muntada per il commerci e l'industria, mobein era a sia pussonza finanziala ed a sia muntada militara. Annoni descriva quella muntada dil ducat da Milaun sco suonda: «Lo Stato di Milano fu il perno della dominazione spagnole in Italia, la leva della sua politica europea. Per dominare l'Italia era necessario che lo Stato di Milano . . . potesse vietare i passi delle Alpi agli serciti nemici.»⁵ Per igl imperi da Habsburg era ei negliu aschi sempel da dislocar truppas denter il ducadi da Milaun ed il Tirol sco sur ils pass Grischuns ni atras la Valtlina. Per la Frontscha, che haveva aunc buca renunziau a sias pretensiuns ell'Italia⁶, fuva la dominonza sur dallas vias dil Spligia, atras l'Engiadina ni la Valtlina d'imurtonza decisiva. El cass d'ina attacca dalla Frontscha sil ducadi da Milaun fuss ina reunion denter Milaun e l'Austria buca stada pusseivla sur quellas vias.

Per las Treis ligias ha quella rivalitat denter la Frontscha ed igl Imperi tudentgiu per consequenza ina separaziun interna. Sper la separaziun confessiunala ha ei aunc dau ina separaziun ord motivs finanzials. Omisduas pussonzas europeas spargnan buca cun daners sche ei va per comprar ina persuna cun influenza sin la politica dallas Treis ligias.

Quella nova situaziun politica ha era giu ina immensa influenza sin la structura sociala dallas ligias. Il sustegn dallas persunas en uffecis politics entras ambassadurs externs, cumbinaus cun las tendenzas demo-

⁵ Annoni. Rapporti. pag. 305.

⁶ Lutz. Reformation und Gegenreformation. pag. 31ss. Franz I renunzia l'emprema gada igl onn 1526 sin tuttas pretensiuns part. il ducadi da Milaun. Quei daventa denton ella pasch da Madrid, nua ch'il retg era perschunier da Carli V. Inagada en libertad revochescha el quella decisiun. Ella pasch da Cateau-Cambrésis 1559 sto el denton renunziar ina secunda gada sin tuttas pretensiuns ell'Italia.

craticas da quei temps ha formau ina nova classa d'aristocrats.⁷ Ad in da quels novs aristocrats vala nossa attenziun en quei artechel. Numnada-mein a Martin de Cabalzar da Degen. Nus vulein empruar da scalarir entgins aspects da sia veta, ina veta ch'ei stada caracterisada dalla politica da siu temps. Entochen sia mort igl onn 1565 ha el funcziunau sils differents camps politics. Gie, el ei staus in dils pli impurtonts umens da siu tschentaner da vart catolica.

Derivonza

Davart la derivonza dalla famiglia Cabalzar dat ei negins mussaments segirs. Quella schlatteina duei esser d'origin talian, numnadamein da Verona. Da quei temps dueien ils de Cabalzar haver purtau il num de Gallo.⁸ Per quella tesa dat ei neginas fontaunas primaras. Ardüser scriva en siu cudisch «Warhafften und kurzverfassnen beschreibung etlicher herzlicher und hochvernampfer Personen in alter freyer Rhetia» il suandont sur dils Cabalzars: «Die von Cabalzar haben vor alten Zeiten in Italien zu Dietrichs Bern gewohnet und noch wohnend aber einer des Stammes ist eines Todschlags halben hinweg gezogen unnd sich im Misox nieder gelassen und daselbst sampt seinen nachkommenden eines grossem ansehens gewese.»⁹

Cheu ston ins risguardar che Ardüser ha concepiu sia descripziun pér treis tschentaners pli tard. Gest el 16avel tschentaner survegnan la derivonza ed ils mussaments da noblezia ina gronda muntada.¹⁰

In indezi che ils de Cabalzar purtavien inagada il num de Gallo ei lur uoppen. Sin fundament sularau sesanfla in tgiert ner cun cresta cotschna che mira en direcziun dretga.¹¹

Ulteriuramein vegn quella hipotesa sustenida entras ina genealogia nundatada ord la collecziun da documents Salis-Haldenstein. En quella genealogia anflein nus sper il num de Cablazar adina puspei l'aschunta alias de Gallo ni olim de Gallo.¹² Quei sa esser indezis ch'ils de Cabalzar han purtau inagada il num de Gallo; alla damonda schebein els ein oriunds da Verona savein nus buca rispunder.

⁷ Cump. Grimm. Aristokratie. pag. 11 ss. Färber. Herrenstand. pag. 9 s.

⁸ HBLS. tom 2. pag. 467.

⁹ Ardüser. Beschreibung. pag. 38.

¹⁰ Pareglia. Grimm. Aristokratien. pag. 99 ss.

¹¹ HBLS. tom 2. pag. 467.

¹² STAGR. B 1516 XI/23.

A Mesauc vivevan els sut il num de Andergia, tenor ina fracziun dalla vischnaunca da Mesauc.¹³

Gl'emprem mussament, el qual ils de Andergia vegnan numnai, date-scha digl onn 1275.¹⁴ Nus vulein denton seconcentrar sils de Andergia dapi ch'els ein presents en Surselva. L'emprema menzium anflein nus en ina pergameina, scretta igl onn 1379 a Valendau. Ei dat differentas declaronzas, co ils de Andergia savessen esser daventai sesents en Surselva. Per Joos retracta ei d'ina reha famiglia vallesana. Duront la secunda mesadad dil 14avel tschentaner duei in esser secasaus a Valendau.¹⁵ Salis declara la presenza dils de Andergia a Valendau en connex cun la mort dil davos de Belmont. Tenor quella tesa fussen ils de Andergia suandai il barun Caspar de Sax-Monsax en Surselva.¹⁶ Encunter quella tesa plaida il fatg, che buca Casper de Sax-Monsax ei staus igl onn 1371, cura ch'il davos barun de Belmont ei morts senza descedents, igl artavel dils de Belmont, mobein Adelheid de Belmont, ina sora dil defunct. Quella era maridada en secunda lètg cun Heinrich de Montalt.¹⁷ Entochen la mort d'Adelheid igl onn 1390 ei la ierta dils Belmonts restada en siu possess ed ils de Lumerins eran possessurs dalla prefectura.¹⁸ Caspar de Sax ha artau il possess dils baruns de Belmont ella Foppa, en Lumnezia ed a Flem pér igl onn 1390 e quei entras sia dunna Elisabeth de Razén, la feglia de Heinrich de Razén ed Adelheid de Belmont.

A Valendau anflein nus denton gia igl onn 1379 in Hans Batzar ni Bartzar de Anderstlia de Mesauc.¹⁹ Secund quei Batzar ni Bartzar senumnan ils de Andergia pli probabel era Balzaren.

Il motiv per la presenza dils de Andergia a Valendau stuein nus veser en emprema lingia ella maridaglia denter il numnau Hans de Andergia cun la nobla Margareta da Valendau. Pli tard anflein nus quei Hans differentas gadas en contracts cun Heinrich e Hartwig de Valendau sco cum-possessur.²⁰ Suenter la mort d'Adelheid de Belmont ha ei dau ina dispetta denter igl uestg da Cuera ed igl artavel Caspar de Sax pervia dil possess dils de Belmont. Igli uestg ha pretendiu anavos tut quei possess

¹³ HBLS. tom 2. pag. 467.

¹⁴ Cumpareglia. Hofer-Wild. Herrschaft der Sax. pag. 184.

¹⁵ Joos. Valendas. pag. 50.

¹⁶ Salis. Ursprung. pag. 120.

¹⁷ Durnwalder. Repertorium. pag. 21.

¹⁸ CD IV. Nr. 81.

¹⁹ CD IV. Nr. 12.

²⁰ CD II. Nr. 12. IV. Nr. 71.

suenter la mort dils de Belmont, damai ch'el considerava quel sco possess feudal.²¹ Tenor Sprecher dueien ils Lumnezians buca esser stai incantai da lur niev signur, quei hagi schizun caschunau ina battaglia: «dess saenden si von Misareren und Italieneren ein Volck und überfallend die Lugnetzer unversehens unnd schlagend sie nahe bey Igels auff einem Berglin da sie S. Victor ein Kirchen gebawen unnd sich begabet für den Sig.»²² Las fontaunas raquentan nuot d'ina battaglia a Degen (la battaglia da Carnè). Ella cunvegnentscha denter igl uestg Hartmann e dunna Elisabeth de Sax cun siu fegl Albrecht de Sax anflein nus denton mussaments per ina dispeta denter quellas duas partidas. Igl object da dispeta era il possess de Belmont: «Wir sind überein kommen und gentlich verricht, und alle die stöss, misshellung und ansprach, so wir miteinander ze schaffen hand gehabt, von der herschaft wegen von Belmont.»²³ En mintga cass constat la secunda perdetga da Sprecher buc. La caputta da sogn Vetger vegn numnada gia el «Reichsgutsurbar (ca. 840)»²⁴ ed era egl urbari da Degen da 1347²⁵, aschia che la pretensiun da Sprecher sa buca constar.

Salis scriva ch'ei seigi ualti segir ch'ils signurs de Sax hagien baghe-giau da gliez temps (fin dil 14avel tschentaner) ina casa als Balzaren a Chischagl sper la caputta da sogn Vetger a Degen.²⁶ Tenor Muoth eran ils fundaments da quella casa aunc veseivels igl onn 1888.²⁷ Poeschel anfla en quei liug negins indezis per in casti.²⁸ Nus astgein buca emblidar che ils Balzars sco descendants dils de Andergia fuvan aunc adina vasals dils de Sax²⁹ ed ina presenza en Lumnezia d'ina famiglia colligada aschi stretg cun ils baruns de Sax han gidau a rinforzar la pussonza dils novs signurs en la val.

Medemamein negin mussament per in casti ei il num Chischagl, damai che quei num deriva buca sco per exempl Caschliun ni Castliun dil plaid castellum.³⁰ Tenor ils pli novs resultats scientifics ei il plaid Chischagl ualti segir da menar anavos sil plaid accadic «kisallu», quei che

²¹ Salis. Ursprung. pag. 121.

²² Sprecher. Cronica. pag. 255.

²³ CD IV. Nr. 152.

²⁴ CD I. Nr. 193. in villa Egena Ecclesia S. Victoris.

²⁵ Purtscher. Studien. pag. 59.

²⁶ Salis. Ursprung. pag. 121. HBLS. tom 2. pag. 467.

²⁷ Muoth. Bannerherren. pag. 58.

²⁸ Poeschel. Burgenbuch. pag. 249.

²⁹ CD II. Nr. 239. Igl onn 1301 engiran Enverardus e Andreas per els e lur descendants igl engirament sco vasals.

³⁰ Poeschel. Burgenbuch. pag. 17.

vul dir ton sco cuort dil tempel.³¹ Sin fundament dallas fontaunas selai ei buca eruir da tgei temps ils Balzaren ein secasai a Degen. A Valendau anflein nus suenter igl onn 1387 buca pli il num Balzar ed a Degen pér dapi la fin dil 15avel tschentaner sut il num Cabalzar. La presilba Ca vegn declarada sco suonda: Ca = casa, presilba cun muntada patronomica en biaras schlattinas grischunas, surtut ella Surselva.³²

Ses uffecis

Sin l'emprema egliada fa ei la pareta sco sche ils Cabalzars havessien realisau lur muntada ord lur posiziun da vasals dils de Sax-Mesauc. En quei connex stuein nus denton remarcar che buc in ord quella famiglia ha exequiu duront il domini dils de Sax en Lumnezia, en la Foppa ni a Flem igl uffeci dad administratur.³³ Ils de Cabalzar survegnan pér entras Martin de Cabalzar ina certa muntada. Gest el ei in bien exempel co capacitat e capavladad persunala possibiliteschan ina carriera. Quellas duas qualitads cumbinadas cun in engaschament public ed ina buna basa finanziala ein premissas per daventar commember dalla nova aristocrazia.

En ina societad nua che l'aristocrazia sefundava buca pli aschi fetg sin la derivonza sociala, stueva mintgin ord quella gruppa sedifferenziar dalla massa entras la maniera da viver. Quella maniera da viver se schava denton realisar mo entras engaschament economic. Lur engaschament sils differents camps dall'economia sparta dad ina vart la noblezia veglia dalla nova³⁴, ei denton el medem mument la suletta sligiazun per il surviver dalla aristocrazia. Famiglias ch'ein buca s'engaschadas sin quei camp han piars muntada ed otras da derivonza meins nobla han encuntercomi survegniu muntada. Per Grimm ein aristocrats depauperisai buca aristocrats pli, perquei che l'aristocrazia ei colligiada cun la pussonza finanziala.³⁵ Gia il bab da Martin, Casper de Cabalzar ha entschiet ad engrondir igl agen possess. Aschia cumpra el denter auter schizun il bogn da Peiden.³⁶ Siu fegl, dil qual nus savein buca eruir il da-

³¹ Brunner. Das rätische Heidentum. pag. 23.

³² CD IV. Nr. 153.

³³ Cumpareglia la gliesta tier Muoth. Bannerherren. pag. 59.

³⁴ Isler. Verfall. pag. 74.

³⁵ Grimm. Aristokratien. pag. 35.

³⁶ Protocol da cumin VII.

tum da naschientscha, continuescha cun la procedura dil bab e cumpra differents frusts a Degen ed en ulteriuras parts dalla Lumnezia.³⁷

Bannerherr

Per Martin de Cabalzar munta l'elecziun sco bannerherr l'entschatta d'ina gronda carriera. El protocol da cumin stat ei scret: «Auf diesem (Ragett von Mont) hat Landrichter Martin von Cabalzar zu Chischaigl gefolget.»³⁸ Igl uffeci da «Bannerherr» era il sulet che vegneva surdaus per veta duronta e per il qual il funcziunari stueva buca pagar ina contribuziun annuala alla vischnaunca.³⁹ Tenor Muoth vegneva igl uffeci da bandierel surdaus mo sin fundament da merets personals.⁴⁰ Ultra da quei stueva il bandierel esser in grond e bi um.⁴¹ Igl uffeci da bandierel ei vegnius creaus 1424 en connex cun la fundaziun dalla Ligia grischa. Aschia vulevan ins organisar ils districts per cass d'uiara. La Lumnezia formava cun Val ensemes in triep ed il bandierel era ordiundamein alla testa d'ina unitad militara e siu pensum era quel da menar la schuldada duront l'uiara.⁴² Cumandadas vegnevan las truppas entras il mistral. La muntada che quei uffeci haveva, seresulta ord il fatg, che entochen igl onn 1703 ei quei uffeci staus els mauns da mo treis famiglias, denter quellas las pli impurtontas dalla val, numnadamein ils de Lombris ed ils de Mont.

Administratur episcopal, mistral

Igl onn 1483 sto il cont de Sax vender siu possess ord l'ierta dils de Belmont. Tenor Campell succeda quei ord siu «licentiosus vivere».⁴³ Igl uestgiu da Cuera cumpra quei possess per la summa da 4000 florins.⁴⁴

³⁷ Blumenthal. Cabalzar. pag. 29 ss.

³⁸ Protocol da cumin VII.

³⁹ Muoth. Bannerherren. pag. 57. Derungs. Bannerherren. pag. 2 s. Grimm. Aristokratien. pag. 96. Berther. Bannerhers. pag. 5.

⁴⁰ Muoth. Bannerherren. pag. 57.

⁴¹ Muoth. Bannerherren. pag. 57.

⁴² Derungs. Bannerherren. pag. 2.

⁴³ Campell. Historia Raetica. QSG. Tom 8 pag. 529.

⁴⁴ Planta. Herrschaften. pag. 438.

Igl uestg tschenta medemamain sco siu antecessur in administratur sur la «Gerichtsgemeinde» ed igl uestg affirmescha beinspert als indgens lur dretgs ch'els gudevan gia sut ils de Sax.⁴⁵ Premissa per exequir igl uffeci da mistral era il dretg da burgheis dil cumin corrispondent.⁴⁶ Martin de Cabalzar ei buca mo staus il davos representant digl uestgiu en val Lumnezia, el ei era staus igl iniziant dalla separaziun dalla Lumnezia, da Val, Glion e Flem dalla pussonza episcopala. Campell descriva la rolla da Cabalzar en quella caussa sco suonda: «Tantum egerunt illi annis hinc retro non multis, nostra nempe memoria, cum Cathedralibus, qui tum potissime rebus moderabantur optimatibus, Martino nimurum Cabaltiario, Legunetiensi quodam praecipuo hic auspice, ut traditis mille octingentis florenus Rhenanis episcopatui illud quicquid erat dominii in fines suos redimeret sicque illos in libertatem assererent.»⁴⁷

La distaccada digl uestgiu per la pintga summa da 1800 florins stat dad ina vart en connex cun l'absenza dilig uestg Paul Ziegler e da l'autra vart cun ils artechels da Glion che limiteschan ils dretgs digl uestg. Denton gioga medemamein la situaziun finanziaria digl uestgiu ina rolla.

Damai che igl episcopat saveva buca pagar tut ils deivets, decida la Ligia dalla casa da Diu da nominar Zacharias Nutt sco administratur digl uestgiu e quel venda cun consentiment dalla Casa da Diu biaras entadas episcopalas e dretgs da possess.⁴⁸ Aschia secumpran il Puschlav, Greifenstein, la Lumnezia, Glion, la Foppa e Flem libers digl uestgiu.⁴⁹

Che quei marcau ei buca succedius dil tut voluntariamein muossa ina decisun dalla dertgira dils quendisch a Trun, tenor la quala igl uestg vegn sfurzaus da surdar allas vischnauncas tut las brevs, ils documents e rodel.⁵⁰ Plinavon vegn uestg Luzius Iter sfurzaus da confirmar 1541 il secund artechel tschentaus dalla Casa da Diu che senumna: «Das ein herr von Cur das gemeyn Gottshus in abwesen eines herren von Cur bisher gehandlet hatt. Es syg kouff, verkouff, losung und anders, plyben lassen und darwyder keyn nuwerung fürnemen sölle.»⁵¹

Tier Martin de Cabalzar vesein nus fetg bein, co in ch'ei staus en uffeci tier in signur feudal, empleina sez suenter la dismessa dils dretgs feu-

⁴⁵ Archiv communal Glion. Nr. 56.

⁴⁶ Grimm. Aristokratien. pag. 104.

⁴⁷ Campell. Historia Raetica. QSG. tom 8 pag. 529.

⁴⁸ Moor. Currätien. pag. 160.

⁴⁹ Moor. Currätien. pag. 160.

⁵⁰ Archiv dil cumin Lumnezia. Nr. 8.

⁵¹ Jecklin. Urkunden zur Verfassungsgeschichte. pag. 100.

dals il vacum administrativ. Sco engraziament per lur merets en connex cun il svilup democratic vegnan ils funcziunaris episcopals elegi els differents uffecis che la democrazia porscha. Dapi la deliberaziun dalla Lumnezia igl onn 1538 anflein nus entochen igl onn 1559 cun ina excepciu (1555) mo Ulrich de Marmels e Martin de Cabalzar sco mistral. Omisdus han exequiu diesch onns quei uffeci. Martin de Cabalzar ei dil reminent era staus duront ils onns 1559–1561 mistral dalla Lumnezia. Per la Lumnezia ha Martin de Cabalzar giugau ina rolla dominonta. El ha buca mo inscenua la distaccada digl uestgiu, mobein era menau la politica duront ils emprems 25 onns suenter quella separaziun.

Uffecis ella Ligia grischa

Il pli ault uffeci dalla Ligia grischa era quel dil landrehter. El haveva schi-bein cumpenzas politicas sco giuridicas. Sil camp politic haveva el l'incumbensa da clamar e menar la dieta, da representar quella anoviars ed ella dertgira dalla ligia sco era la conservaziun dil sigil e digl archiv.⁵² Sper ina funcziun politica haveva il landrehter era ina giuridica. La dertgira secumponeva dil landrehter e dils sentenziaders. Igl emprem fagevan 15 umens part da quella dertgira. Igl onn 1529 han era las vischnauncas da Muntogna, Tusaun e Schons survegniu il dretg da delegar mintgamai in sentenziader. Per dar ina sentenzia eran quels treis delegai buca necessaris.⁵³ L'obligaziun da quella dertgira era la mediaziun denter ils commembers della Ligia.⁵⁴ La scharscha cuzzava mintgamai in onn. Igl avat da Mustér, il barun da Sax ed il titular dil segneradi da Razén havevan il dretg da proponer en turnus treis candidats per mauns dalla dieta.⁵⁵ La muntada da Martin de Cabalzar semuossa fetg bein tier l'elecziun dil landrehter. Ils onns che il cau da Sax⁵⁶ ha giu il dretg da proponer candidats per igl uffeci da landrehter ei Martin vegnius elegius buca meins che tschun gadas, quei ils onns 1541, 1544, 1553, 1559 e 1562. Las otras treis gadas ei Hans de Capol vegnius elegius.⁵⁷ Da siu temps ei

⁵² Vincenz. Der Graue Bund. pag. 214.

⁵³ Vincenz. Der Graue Bund. pag. 195.

⁵⁴ Vincenz. Der Graue Bund. pag. 194.

⁵⁵ Salis. Freistaat. pag. 633.

⁵⁶ Suenter 1538 era quei ina persuna fictiva. La Lumnezia, la Foppa e Flem havevan mintgamai sez il dretg da proponer. Enteifer tschun elecziuns haveva Flem inagada quei dretg e las otras duas gadas. Sprecher. Cronica. pag. 247.

⁵⁷ Vincenz. Der Graue Bund. pag. 280 s.

negin auter vegnius elegius aschi savens en quei impurtont uffeci. Ils documents dattan perdetga dalla funcziun giuridica da Cabalzar.⁵⁸ Igl uffeci da landrehter ei buca mo il pli impurtont dalla Ligia grischa, mobein ensemble cun ils caus dallas autres ligias meina el l'administraziun dallas Treis ligias ed ei secund liug da dieta mintgamai il cau dalla dieta dallas Treis ligias.

Uffecis en tiara subdita

Da tut ils uffecis che la republica dallas Treis ligias haveva da surdar eran quels en tiara subdita ils pli tschercai. Il principal uffeci era quel dil guovernatur en Valtlina. Da Sondrio anora exequeva el la giurisdicziun aulta e bassa. Ultra da quei menava el l'administraziun denter la tiara subdita ed il suveran. Tier sia scharscha s'udeva medemamein il commando sur dalla miliza dalla val.⁵⁹ Maissen pareglia la rolla dil guovernatur cun quella d'in retg.⁶⁰ La paga ufficiala muntava igl onn 1585 a 1000 florins. Las entradas d'in guovernatur surpassavan denton per da bia quella summa. Il guovernatur uneva en sia persuna buca meins che treis uffecis: accusader, derschader e retschevider dils castitgs. Schegie che ils castitgs fussen stai destinai per la cassa dallas ligias, curreva ina gronda part dils daners en sac dils ufficials.⁶¹ Ils organs da controlla havevan ina pintga influenza sin quei abus d'uffeci. Martin de Cabalzar ei staus duront ils onns 1555–57 guovernatur a Sondrio.⁶²

Gia avon eis el staus sco funcziunari en tiara subdita. Numnadamein duront ils onns 1527–29 e 1547–49 sco commissari a Clavenna.⁶³ En tiara subdita ei Martin de Cabalzar era vegnius confruntaus cun la problematica da siu temps, numnadamein cun l'extensiun della reformazion. Retener quella valeva per el sco ina da sias pli grondas obligaziuns. Duront ils emprems onns ch'el ha passentau en Valtlina eran las relaziuns denter las confessiuns aunc bunas. Aschia scriva el igl onn 1548: «Da anni 10 inza maj no gli e stato tanta pace et tranquilitad maxime circja el fatto dela fede quanto e al praesente.»⁶⁴

⁵⁸ STAGR. US III. Nr. 788. STAGR US IV. Nr. 1915. STAGR. LA V/2. Nr. 459, 464, 522, 712, 1077, 1180. STAGR. AB IV 6/2.

⁵⁹ Camenisch. Gegenreformation. pag. 19. Muoth. Republica. pag. 163.

⁶⁰ Maissen. Clau Maissen. pag. 177.

⁶¹ Färber. Herrenstand. pag. 124. Juvalta. Denkwürdigkeiten. pag. 7 s.

⁶² STAGR. AB IV 8a/8. pag. 225.

⁶³ Jecklin. Amtsleute. pag. 32. STAGR. B 1526. pag. 736.

⁶⁴ STAGR. A II/LA 1/581.

Ils onns 1555–1557 ei la situaziun confessiunala daventada tut autra. Denter las duas confessiuns regeva buca pli pasch mobein odi e fanatissem. Aschia ha era Martin de Cabalzar giu da sefatschentar d'ina dispeta a Teglio, nua ch'ei veva dau ina caniala denter catolics e protestants: «Igitur mense Aprili Anni p[re]efati abs Andrea Pazzalio de Quadrio Locumentente Sondrium in domum Regiminis officii Martino Cabalzaro Capitaneo, viro alias prudente, at sacris Romanensibus ad superstitionem addicto, generale universitatis totius Vallis Tellinae consilium convocatum fuit.»⁶⁵

Il Cussegl dalla val decida en collaboraziun cun Cabalzar da surdar allas vischnauncas tuttas cumpetenças en damondas religiusas. Plinavon dueien en tuttas vischnauncas mo predicans e scolasts vegnir acceptai ch'ein d'engraу alla pluralitat.⁶⁶ La cuolpa per la dispeta a Teglio portien mo ils protestants.⁶⁷ En quei mument gartegia ei al predican Gallicius da calmar ils reformai ed aschia evitar ina uiara da religiun.⁶⁸ Il Cussegl dalla val tarmetta Martin de Cabalzar e dr. Johann Planta avon il «Beitag» a Cuera per schar sancziunar lur decisiuns en damondas confessiunalas.⁶⁹ Ina sancziun da quellas pretensiuns havess muntau la fin per la reformaziun en Valtlina, pertgei ils reformai havevan en neginas vischnauncas la majoritad. Sche ins enconuscha la situaziun confessiunala dallas Ligias da gliez temps eis ei capeivel che las pretensiuns dil Cussegl dalla val ein buca vegnidas acceptadas. Gallicius scriva ils 8/6/1556 a Bullinger: «Darnach hand die rychsten im Veltlin vilfaltig ghandlet vor den herren, das man die italienischen predicanen, uss dem Veltlin verjage: wir aber hand d'sach erobret und erlangt, das si noch bli- ben mügendl.»⁷⁰

Che siu cumbat encunter la reformaziun era senza success ordeifer la Ligia grischa ha Cabalzar stuiu acceptar alla fin digl onn 1556. La dieta dallas Treis ligias decida numnadamein per la tiara subdita che ils predicans astgien perdegar en tut ils loghens dalla Valtlina. En loghens cun duas baselgias duei ina star a disposiziun als reformai. Senza la lubientsha dil capitel catedral ni dalla sinoda grischuna duei negin astgar

⁶⁵ STAGR. B 1538/5. pag. 120. (Consigli della Valle di Valtellina) Porta. Historia Reformationis. tom 2. pag. 265.

⁶⁶ STAGR. B 1538/5. pag. 122.

⁶⁷ STAGR. B 1538/5. pag. 122.

⁶⁸ Bullinger. QSG. tom 23. pag. 445 s. Porta. Historia Reformationis. tom 2. pag. 267.

⁶⁹ STAGR. B 1538/5. pag. 135 s.

⁷⁰ Bullinger. QSG: tom 23. pag. 447.

perdegar.⁷¹ Encunter quella decisiun protesta il Cussegli dalla val: «Hanno mandato il Sg. Capitano della Valle è il Sig. Martino Cabalzaro, come uome grande, e di molta autorità, ed aderente alla religion loro, sotto pretesto di ottener dai Magnifici Sig., che non imponghino certe taglie, o vero gravezza, che dicesi voler essi Sig. metter nella Valle Tellina. Ma l'intento loro è sotto questa coperta per via acculta avviar, che non si mandino per il comuni quelli articoli, i quali nella passata dieta fu determinato mandar.»⁷² Tuttas protestas ein stadas nunfritgeivlas. Ils 26/1/1557 vegnan quels artechels declarai sco lescha.⁷³ Quei exempl muossa fetg bein che Cabalzar era dalla vart catolica in menader. Fabricius titulescha Cabalzar en ina brev a Bullinger: «Zu Loutnitz sitzt der landtrichter Cabalsar, columen papisticae religionis in Superiori Föderer.»⁷⁴ El muossa denton era il spazi da libertad che steva a disposiziun a Cabalzar en vesta dalla majoritat evangelica ellas Treis ligias.

Martin de Cabalzar e las pensiuns

Sco nus havein gia menziunau pagavan ils ambassadurs pensiuns a personalitads grischunas che representavan ils interess dallas differentas pussonzas. Aschia ei era Martin de Cabalzar adina puspei vegnius tschercaus dils ambassadurs.

Las Treis ligias ligiava ina stretga relaziun cun la Frontscha. Gia alla fin dil 15avel tschentaner vevan quellas duas partidas serrau in contract d'allianza e quel era adina puspei vegnius prolunghius e modificaus.⁷⁵ La Frontscha s'obligava buca mo da contribuir daners allas Ligias e da conceder privilegis da commerci, mobein era da sustener las Ligias en temps da prighel. Las Ligias da lur vart lubevan alla Frontscha la recraturaziun da schuldada e s'obligavan da serrar ils pass per ils inimitgs dalla Frontscha.⁷⁶ Per mantener ses dretgs purscheva schibein la Frontscha sco ils da Habsburg daners als differents politichers, aschia era a Martin

⁷¹ STAGR. AB IV 6/37. pag. 33 ss. STAGR. B 1538/5. pag. 136 ss. STAGR. B 1538/15. pag. 84 ss. Camenisch. Borromeo. pag. 56 ss. Porta. Historia Reformationis. tom 2. pag. 274 ss.

⁷² Porta. Historia Reformationis. tom 2. pag. 282 s.

⁷³ STAGR. B 1538/15. pag. 84 ss. Porta. Historia Reformationis. tom 2. pag. 274 ss.

⁷⁴ Bullinger. QSG. tom. 24. pag. 227

⁷⁵ Pareglia. Jecklin. Die ersten Bündnisse der III Bünde mit Frankreich. pag. 158–188.

⁷⁶ Jecklin. Urkunden zur Staatsgeschichte. pag. 70 ss.

de Cabalzar. Pli bia influenza ch'in singul haveva e pli gronda che la pensiun era. Tenor ina gliesta da pensiun dalla Frontscha digl onn 1558 retergeva Cabalzar 31 livres ad onn, quei era circa la medema pensiun sco quella digl administratur da Cuera.⁷⁷ Igl onn 1562 incassescha Cabalzar buca meins che 200 livres ad onn, la medema summa sco igl avat da Mustér.⁷⁸ Schegie che Cabalzar era in dils emprems pensiunists dalla Frontscha para ei ch'el seigi era staus en contact cun la Spagna. Fabricius scriva che Capol hagi rapportau ad el d'ina brev ch'eri adressada sbagliadamein ad el enstagl a Martin de Cabalzar. En quella brev damondi Philipp II ina allianza.⁷⁹ Igl onn 1561 duei Cabalzar haver giu streng contact cun Bianchi e Ritius, ils representants dalla curia papala e dalla Spagna.⁸⁰ Ina allianza cun la Spagna fuss segir stada d'engrau a Cabalzar. Vess quella gie bein dau la pusseivladad da rinforzar la caussa catolica. L'intenziun da Cabalzar ei buca veginida realisada e sia activitat politica ha schau suenter. Igl onn 1562 eis el vegnius elegius aunc inagada sco landrehter.

Fabricius scriva sur da quei fatg il suandont: «Von den beiden einflussreichsten Förderern der Sache des Papstes und der V Orte im Oberen Bund, Cabalzar und Johann Florin, ist der erstere kürzlich zum Landrichter ernannt, aber nach der Heimkehr in Streit von einem Nachbar fast totschlagen worden, sodass er wohl nicht mehr ze tagen gebraucht werde.»⁸¹ Il rapport da Fabricius ei bein stravagaus, era suenter quei incap ei Cabalzar semussaus publicamein ed el ha era representau vinvon partidas avon dertgira, mo uffecis publics ha el buca surpriu pli suenter 1562. Igl onn 1565 avon il settember ei Martin de Cabalzar morts. Sia simpatia per la caussa spagnola ei buca stada senza fretg. Gia alla fin dil 16avel tschentaner haveva quella il surmaun ellas Treis ligias ed alla testa da quella partida sesanfla Gallus de Mont, il schiender da Martin de Cabalzar.

⁷⁷ Pfister. Combats. pag. 11.

⁷⁸ Pfister. Combats. pag. 113, 118.

⁷⁹ Bullinger. QSG. tom 24. pag. 306.

⁸⁰ Pfister. Partidas. pag. 39.

⁸¹ Bullinger. QSG: tom 24. pag. 388.

Abreviaziuns

BM	Bündner Monatsblatt
CD	Codex diplomaticus
Diss	Dissertaziun
Ed da	Ediu da
HBLS	Historisch-Biographisches Lexikon der Schweiz
JHGG	Jahresbericht der historisch-antiquarischen Gesellschaft von Graubünden
LA	Landesakten
QSG	Quellen zur Schweizer Geschichte
STAGR	Staatsarchiv Graubünden
US	Urkunden-Sammlungen

Fontaunas nunedidas

Archiv cantonal Grischun

- Risposta da M. de Cabalzar allas Treis ligias part. ils predi-
cants a Clavenna A II/LA 1/581
- Statutas dalla Valtlina, 1544, original AB IV 8a / 8
- Rimnada Salis-Haldenstein B 1516
- Kopialbuch, Jöry Bärtsch B 1526
- Gemeiner Drei Pündten Stands- und Landssachen von
1550–1585. Kopialbuch B1538/5
- Gemeiner Dreyer Pündten Religions Sachen B 1538/15

Auters archivs

- Archiv circuital Lumnezia, protocol da cumin (1764–1911)
- Archiv communal Glion nr. 56

Fontaunas edidas

- Ardüser, Johann. Wahrhafte und kurzvergriffene Beschreibung etlicher Herr-
licher und Hochvernampter Personen in alter Freyer Rhetia. Lindau 1598.
- Bullinger. Heinrich Bullingers Korrespondenz mit den Graubündnern
1533–1575. Toms 1–3. Ed. da Traugott Schiess. QSG 23–25. Basilea 1904–1906.
- Campell, Ulrich. Historia Raetica. 2 toms. Ed. da Placidus Plattner. QSG 8, 9. Ba-
silea 1890.
- Codex diplomaticus. Sammlung der Urkunden zur Geschichte Cur-Rhätiens und
der Republik Graubünden. Ed. da Theodor von Mohr e Conradin von Moor.
Toms 2 e 4. Cuera 1865.

- Juvalta von, Fortunat. Denkwürdigkeiten. Ed. da Conradin von Mohr. Cuera 1848.
- Porta de, Petro Dominico Rosio. Historia Reformationis ecclesiarum Raetiarum ex genuinis fontibus et adhuc maximam partem nunquam impressis sine partium studio deducta. Curiae Raetorum et Lindaviae MDCCCLXXII.
- Sprecher von, Fortunat. Rhetische Cronica oder Beschreibung Rhetischer Kriegs- und Regiments-Sachen. Cuera 1672.
- Staatsarchiv Graubünden. Toms 3, 4. Urkunden-Sammlungen im Staatsarchiv Graubünden. Ed. da Rudolf Jenny unter Mitarbeit von Elisabeth Meyer-Marthalier. Cuera 1975/77.
- Staatsarchiv Graubünden. Tom 5/2. Landesakten der Drei Bünde. Ed. da Rudolf Jenny. Erste Regestenfolge zu den Landesakten 843–1584. Cuera 1974.
- Urkunden zur Staatsgeschichte Graubünden. Ed. da Constanz Jecklin. en: JHGG 20, 24. Cuera 1890, 1894.
- Urkunden zur Verfassungsgeschichte Graubündens. Ed. da Constanz Jecklin. en: JHGG 12, 13, 14. Cuera 1882, 1883, 1885.

Litteratura

Annoni, Ada. I rapporti tra lo Stato di Milano e i popoli della Confederazione Elvetica nei secoli XV e XVI. en: Archivio Storico Lombardo. Seria 9. Tom X. Milaun 1971.

Berther, Baseli. Ils Bannerherrs della Cadi. Ingenbohl 1920.

Blumenthal, Duri. Martin von Cabalzar, ein führendes Haupt in den politischen und konfessionellen Kämpfen des 16. Jahrhunderts in den Drei Bünden. Lavor da licenziat 1984.

Brunner, Linus. Das rätische Heidentum. en: BM 1984. Cuera 1984.

Bundi, Martin. Stephan Gabriel. Ein Beitrag zur politischen und Geistesgeschichte Graubündens im 17. Jahrhundert. Diss. Turitg. Cuera 1964.

Camenisch, Carl. Carlo Borromeo und die Gegenreformation im Veltlin mit besonderer Berücksichtigung der Landesschule in Sondrio. Cuera 1901.

Camenisch, Emil. Geschichte der Reformation und Gegenreformation in den italienischen Südtälern Graubündens. Cuera² 1950.

Derungs, Jakob Anton. Banner und Bannerherren der Lugnezer und deren Geschlechter. En: BM 1926. Cuera 1926.

Durnwalder, Eugen. Kleines Repertorium der Bündner Geschichte. Cuera 1970.

Färber, Silvio. Der bündnerische Herrenstand im 17. Jahrhundert. Politische, soziale und wirtschaftliche Aspekte seiner Vorherrschaft. Diss. Turitg. Turitg 1983.

Grimm, Paul Eugen. Die Anfänge der Bündner Aristokratie im 15. und 16. Jahrhundert. Diss. Turitg. Turitg 1983.

Historisch-biographisches Lexikon der Schweiz. 7 Bde. und Supplement. Neuschatel 1921–1934.

- Hofer-Wild, G. Herrschaft und Hoheitsrechte der Sax im Misox. Poschiavo 1949.
- Isler, Egon. Der Verfall des Feudalismus im Gebiet der Ostschweiz im XIV. Jahrhundert. Lichtensteig 1935.
- Jecklin, Fritz. Die Amtsleute in den bündnerischen Untertanenlanden, en: JHGG 20. Cuera 1891.
- Joos, Lorenz. Die Herrschaft Valendas. Cuera 1916.
- Lutz, Heinrich. Reformation und Gegenreformation. Minca² 1982.
- Maissen, Felici. Clau Maissen en Valtellina (1665–67). Novas contribuziuns alla biografia dil guovernatur e capitani general, en: Ischi 1976. Mustér 1976.
- Moor von, Conradin. Geschichte von Currätien und der Republik gemeiner drei Bünde. Tom 2/1. Cuera 1871.
- Muoth, Jakob Caspar. Banner und Bannerherren von Lugnez. en: JHGG 18. Cuera 1888.
- Muoth, Jakob Caspar. Historia grischuna dil novissim temps. 1. part. La veglia república grischuna, en: Annalas da la Società Retorumantscha. Annada 1. Cuera 1886.
- Pfister, Alexander. Il temps dellas partidas ella Ligia Grischa (1600–1639) 4 parts, en: Annalas da la Società Retorumantscha. Annada 45. Cuera s.o.
- Pfister, Alexander. Partidas e combats ella Ligia Grischa (1494–1794), en: Annalas da la Società Retorumantscha. Annada 40. Cuera 1925.
- Pieth, Friedrich. Bündnergeschichte. Cuera² 1982.
- Poeschel, Erwin. Das Burgenbuch von Graubünden. Turitg 1930.
- Puttscher, Friedrich. Studien zur Geschichte des Vorderrheins im Mittelalter, en: JHGG 53. Cuera 1924.
- Salis-Soglio von, P. Nicolaus. Der Freistaat der III Bünde in Hohenrätien und der rätische Adel. en: Schweizerischer Geschlechterbuch. Tom 3. Basilea 1910.
- Salis-Soglio von, P. Nicolaus. Einiges über den Ursprung der Familiennamen Cabalzar und Giovanoli, en: BM 1924. Cuera 1924.
- Vincenz, P.A: Der Graue Bund. Festschrift zur fünfhundertjährigen Erinnerungsfeier, en: La Ligia Grischa. Cuera 1924.